



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-06-26- /19
Sarajevo, 22.03.2019. godine

SKUPŠTINA KANTONA SARAJEVO **Predsjedavajući Skupštine Kantona Sarajevo**

Predmet: Odgovor na zastupničku inicijativu zastupnice Vildane Bešlije

Zastupnica Vildana Bešlija na četvrtoj sjednici Skupštine Kantona Sarajevo, održanoj 30.01.2019. godine, u okviru tačke dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo pokrenula je **zastupničku inicijativu** kako slijedi:

„Na osnovu člana 106. Poslovníka Skupštine Kantona Sarajevo („Službene novine Kantona Sarajevo“ br. 25/10, 14/11, 19/11, 7/12 i 26/12) Ministarstvu pravde i uprave upućujem inicijativu za preispitivanje svih zakonskih i podzakonskih akata koji reguliraju materiju parafiskalnih nameta, u cilju rasterećenja privrede u Kantonu Sarajevo. Ovom inicijativom potrebno je preispitati Zakon o šumama Kantona Sarajevo („Službene novine Kantona Sarajevo“ broj 5/13).

Odgovor:

Šume i šumsko zemljište kao prirodni resurs i dobro od opšteg interesa kroz istoriju imaju posebnu pažnju i zaštitu države, obzirom na ekonomski, klimatski, hidrološki i ekološki značaj. Upravo zbog tih činjenica praksa u svim državama je da strateški planiraju unapređenje šumskog fonda, a samim tim razvoj šumarstva u cjelini.

Ideja i koncept naknada (takse, podsticaji, subvencije) općekorisnih funkcija (OKFŠ) šuma nastala je u zemljama Zapadne Evrope te kao takva i danas je prisutna i funkcioniра kroz različite modele kada je u pitanju način prikupljanja ovih sredstava.

U socijalističkom društvenom uređenju, odnosno u bivšoj SFRJ bili su koncipirani namjenski fondovi koji su se alimentirali kroz doprinose iz poslovanja elektroprivrede, vodoprivrede i drvne industrije. Nakon agresije na R BiH donesen je Zakon o šumama F BiH, kojim su ustanovljene naknade za OKFŠ u iznosu od 0,1% od ukupnog prihoda privrednih subjekta. Nakon što je navedeni zakon stavljen van snage odlukom Ustavnog suda BiH, Skupština Kantona Sarajevo



7.2.2013.godine usvojila je Zakon o šumama, kojim su naknade za OKFŠ smanjenje i iznose 0,07%. Ova sredstva su bila dostatna za finansiranje projekata iz različitih oblasti šumsko-uzgojnih radova čime se značajno uticalo na pozitivno poslovanje "Sarajevo šuma" d.o.o..

Ilustracije radi na 1.000.000,00 KM ostvarenog prihoda privredni subjekt izdvaja po osnovu naknada za OKFŠ 700,00 KM.

Praksa u državama u okruženju je da se u R Srbiji izdvaja 0,025%, a u R Hrvatskoj 0,0256% od ukupnog prihoda.

U Republici Srpskoj po navedenom osnovu izdvaja se 0,07%.

Pored navedenog važno je istaći da je Vlada F BiH usvojila Prijedlog Zakona o šumama F BiH koji treba da prođe parlamentarnu proceduru i kojim je predviđeno izdvajanje za OKFŠ na način da sva pravna i fizička lica prilikom registracije m/v plaćaju ovu naknadu zavisno od kategorije vozila, starosti vozila i dr.

Obzirom da se radi o jedinstvenom i iznimno značajnom privrednom resursu nužno je za predložene izmjene dobiti stav Šumarskog fakulteta, KJP "Sarajevo šume" d.o.o. i predstavnika drvne industrije, kao i Udruženja šumarskih inženjera i tehničara.

Napominjemo da se iz namjenskih sredstava općekorisnih funkcija šuma finansiraju slijedeće aktivnosti:

- rad Uprave za šumarstvo se u potpunosti finansira iz sredstava OKFŠ-a u iznosu od cca. 1,4 miliona KM (bruto plate za uposlenike, naknade, nabavka opreme),
- izrada dugoročnih planskih dokumenata u šumarstvu (šumskogospodarskih osnova za državne i privatne šume) koji su instrument za optimalno gospodarenje šumskim ekosistemima,
- neposredna zaštita državnih šuma (čuvanje šuma) na području Kantona Sarajevo,
- stručni poslovi u privatnim šumama Kantona Sarajevo (doznaka stabala, premjer i otprema šumskih drvnih sortimenata, stručne konsultantske usluge),
- realizacija projekata iz svih oblasti šumarstva u cilju optimalizacije i unapređenja funkcija šumskih resursa (integralna zaštita šuma, zaštita šuma od požara, šumsko-uzgojni radovi u koje ubrajamo: pošumljavanje, čišćenje, okopavanje i popunjavanje mladih zasada šuma (kultura), prorede kultura, rasadnička proizvodnja i sjemenarstvo, sanacija i rekonstrukcija protivpožarnih puteva, ekologija i ambijentalno uređenje, naučno-istraživački radovi u šumarstvu i ostale aktivnosti definisane članom 62. Zakona o šumama Kantona Sarajevo).

U slučaju eventualnog ukidanja sredstava OKFŠ-a rad Uprave za šumarstvo bi se u potpunosti morao finansirati iz redovnih budžetskih sredstava Kantona Sarajevo.

Imajući u vidu sve navedeno, a posebno da je novi Zakon o šumama Federacije BiH u parlamentarnoj proceduri, kao i činjenicu da budžet Uprave za šumarstvo za 2018.godinu u cjelokupnom iznosu predstavljaju namjenska sredstva, cijenimo da je racionalno sačekati usvajanje Zakona o šumama Federacije BiH.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Programom rada Ministarstva privrede Kantona Sarajevo za 2019. godinu planirano je pokretanje aktivnosti na provođenju postupka na donošenju Zakona o izmjenama i dopunama Zakona o šumama Kantona Sarajevo.

S poštovanjem,

MINISTAR

mr.sci. Haris Bašić

Dostavljeno:

1. Naslovu,
2. Vladi Kantona Sarajevo – na znanje,
3. Evidenciji,
4. Arhivi.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

